



Мэбета вадава” ила’ панан’ етри’ мэква”!

НЯРЪЯНА

НЭРМ



№ 24 (5298)
2026 по’
июнь иры’
13 яля

СУББОТА

ГАЗЕТА 1931 ПО’
АПРЕЛЬ ИРЫ’ ЮКАД ВАТА
ХАСАВАЮДИМДЕЙ
ЯЛЯХАД НЯДИБЕРҢА

СИ” ИВ ЯЛЯХАНА
НОПОЙ’ СЕРТАБИВА”

Российская Федерация Ямало-Ненецкий автономный округ




Сидяңг: max.ru/artyukhov_da
няд ханавы

Пяку” ян’
тэворҕась

3

Россияна” яля’ ед’



Сидяңг: yamal-media.ru няд ханавы

Маңгы” иры’ юкад вата нябимдей яляхана Россияна” хэбидя ялям’ ядабтамбива”. Ханярина яна” мэбе”мам’ тэри җани” пареҗода” яхат ва”лэй җэвамда ваде”җава”. Та’ ёльцяңгана хуркари” җарка” марка”на ненадо җавэ” сертаңгу”.

Тикы ненадо яля хахаяда похона җадимы. 1994 похона Россияна” нердена президент Борис Николаевич Ельцин Указм’ җадимдесь – «День принятия декларации о государственном суверенитете России» нубе”җась. Нерцонда тет по’ тяхана РСФСР народной депутат” съездхана пидте”мям’ җабтаць. Тамальҗгана нядна” паңгдёвы” республика” яңгараць. Җадьбято’ «День независимости» җэ ваде”-

ладонзь. Пуна хэбидя яляҗэ тасла”махадандо’ яна” тер” сававна нидонзь хамедамбю”, җамгэ тарця ялям’ ядабтамбива”. 1998 похона җобтики Борис Ельцин тарем’ мась: «Тад нерня’ маңгы” иры’ юкад вата нябимдей яляхана Россияна” яля җэңгу». Тальняю’ тарця җарка хэбидя ялям’ ядабтамбива”. Теда’ хусувэй марка”на, нюдяко җэсыхы”на ненадо ялям’ мэ”җадо’.

Җавна няна” мирвсавэй” турта”, харто’ мирвхатато’ хаңгасеты”. Җамгэри” җарка” саю яхана” нина” җэдарамамбю”. Сяхари’ ява” иле янэ хамзадо’. Җавна 1812 похона француз” ява” марман’ харваць. Москва март’ табалҗядаць. Пыдо’ парадавы, терсяда Москвам’ манэ”җаць. Та’ мальҗгы

солдатдо’ ханимзь пырдарир’ яхандо’ хуныдаць. Наполеон ханяри’ хэбта җани’ я’ тер җамгэртасяламзеты. Маньрина” яхана” выдарась. 1941 похона фашист” Германияхад яхана” ятнолыдаць. Сэр” луца” саю” җопой яляхана Советской Союзм’ маядаванзь тасламбавэдонзь. Маня” тада тет по’ ямбан’ җопой еҗган’ ха”ам”махадана” ява” саюхад марпиваць. Ненэциена” хар”на” ярива” саюхад ниць җэдара”. Та’ мальҗгана җока я’ тер” сэр” луца” җыландо’ мэйдонзь. Җадьбято’ сайнорма’ пуд Советской Союзм’ пилю”җадонзь. Җобтики маня” яна” тер” нерденаҗэ космосан’ тийдаць. Нердена не Валентина Терешкова җани Союзхад җась. Маня” ява” харта тэравы сехэ-

рэвнанда миҗа. Хусувэй җамгэн’ харта мэ”манда вадада тания. Сава нямда маяңгана нида хаебю”. Җадьбято’ маяндорта” я’ тер” Россиявнана” няд”мадамдо’ пованзь турҗа”.

Сяни юр” по’ ямбан’ хуркари” сэхэ манэ”җась. Тикы ялэна” җобкана мадабина”. Хусувэва” варемда мэҗа. Тодо’ тэнзм’ мэпна” җод”, няхатана” яңгана хэхэ” мяк” тюңгбана” җод”, мал” Россия’ терва”. Ява” саць мэнева”. Россияна” җудандана Владимир Путин ненэциета илам’ сибемдембида. Янда’ тер” хуркари” сэхэ” яляхат нэкалпида. Маня” җобтики варева” мэ”җава”. Ява” саць мэнева”. Россиява” җани я’ тер” ханярина теневадо’.

Марина Яр’ падвы

Илма” сибемдемби”



Сидяңг: zs.yamal.ru.
няд ханавы

Салыхардахана Округна” Законодательной Собранияхана җани’ яхат” товы” депутат”, нидо’ нядабада ерв” малюрҗаць.

2 стр. җа

Тарана юн

Ямална” җардавна ту җанохо”на җэдалёрта” яна” тер” е”эмня яңга юне җэсь’ ям’ җадимдець. «Макс» нубета мутрахана манэць пирҗава”.



Сидяңг: Марина Яр’
тадтавы

3 стр. җа



Лэтдө, тоса” тада

Дяля димпума, нума” таңичума, дя’ касҗа. Таңичохона шаңкмян неша” җану” мэлашту”. Кадитана” пон викня мансдашту”. Дөледыш, дяхам дөмпөш, поңкам җытыпөш, ваттапөш, кадитуҗ тайвапөш – пон җанум мэшту”. Вентсамы дяха выҗита җука.

6 стр. җа



Таттама: Андрей Пяк
таттамы



Илма' сибемдемби'

Маңгы' иры сиддетимдей яляхана Салыхардахана ненадо' сер' ҥась. Округна' Законодательной Собранияхана ҥани' яхат' товы' депутат', нидо' нядабада ерв' малпорҥаць. Поңгнандо' ҥэрм' я' тер' ҥани' танияць. Тёняҥы хаби' округхад, Якутия, Карелияхад, Ензя' няд товыць. Тикадо' парламент' 120 по' ед' минревэдо'.

Манзаядо' сидя ялян' таславись. Ѓоб' яля ҥэрм' ё', ҥэрм' тер' илам' нерня пэрма нямна лаха тасалковадо' таниясь. Хэвханана', тецьда я' няна сидна' то'олхана нина' ня данзюрта законато' таниявам' ваде'ҥаць. Ханяҥыдо' ненэсянда тарана' ҥэвыць.

Сергей Николаевич Харючи лахарём' нерня минредась. Иланд' ямбан' законо' нямна манзарась. Вадавнанда, яханана' ненэцие' нядабада вато' илна' саир' тотрев' ҥокаюм' пелядо' ҥобто'лас. Тюку пова' нянана' саць ненадо', маня' е'эмняна' таславы пом' мэ'ҥава'. Ҧарка манзаямдо' пывандо' нерня, нид' табедамбидась. Ма'нисяв, савари серо' нёда вадес', ҥамгэ тасла я'амнанда танияб' ҥани' намдхава', тарем' ҥобкана пуна' тидхалемба' пиртына'. Тикы хавна ҥэрм' тер' нердена яҥорэй' ҥобт малё'мя' съездамдо' тензибтес'. Та' мальҥгана ҥарка нина' иландо' саць тоенавысь. Няна' нятна закон' тянё ҥэвысь. Вадамбой няд'ма' ҥадимы'.

Пуданда депутатна' ҥудондана Сергей Миронович Ямкин ҥэрм' тер' е'эмня ҥамгэ то'олха няд'мито' таниявам', сертабавам' ваде'ҥась. Ханзер' ты' пэрти', нядэни помна ҥэдалёро'мамдо' хэтась.

Карелияхана тянё тэнзаҥэ – вепс' толы, сидя ёнаркад ватадо' ҥэвы. Е'эмняндод' сертабада законато' таниявам' мядонда не ваде'ҥадась. Ѓобтикы хуркари' общиныдо' таниявы'. Харе' невхы яханандо' таҥга халям' ватаба пир'ҥа'. Е'эмняндод' ҥока нито' поңгана тэнзамдо' лэтравандо' няю' тарана серо' минревы'. Вадамдо' мэ'мандо' е'эмня хур-



Сидяҥы: zs.yanao.ru/ няд ханавы'

кари' падар', толаҥгобць' ҥадимдемби'. Иле яханато' сидто лекар' мирци' нядаба пэр ҥа'.

Камчатка – илева' ҥокдадо' тянё тэнз' ненэцие' иле яҥэ таславы. Ядо' саць хубта ҥэбата ҥод' ҥэрм' теран' нятна ватодо' таниявы'. Яндод' тер' нядаба ерводо' варемдо' мэ'ҥа'. Тёняҥы хаби' округхад товы нява' Еремей Айпин вадада мэ' ҥэсеты. Няданзюрта закон' няд'мяць пыдо' таҥга иле'. Ханяҥыдо' маня' округханана' ҥани' мэць пиртыць. Тёняҥы нина' сидто нядабада Ассамблеядо' манзара. Сяни по' ҥоб' ёнаркад вата законм' ня'амвыць. Танияна' я' тебтм' нэкадпада' ҥэрм' тер' ня, нина' яхана манзарвандо' няю' падродо' харто' помнадод' тидпой падыбидо'. Хэбидя ёдо', общиныдо', юнм' минренидо', лаханакон', невхы ила' саирм' лэтрабади' мал' нядабавыдо', ҥадьбята яндод' тер' ненэциедо' таҥга иле'.

Якутияхад товы Константин Роббек, ҥарка лахарёмда пыванда нерня тарцим' хэтась: – «Маня' тюку яля' ҥавна ҥарка нина' ҥамгэ то'олха серо' тасламбавамдо' ехэраб'на', теда' ханя' ми'махадана' ехэраҥгуваць». Яханандо' харе' иламдо' нёдавандо' няю' невхы иле'мя' ёдо' тамна сававна падаркана таславдавэй'. Тарцясипой таҥга невхы иламдо' нерня минре ни пирас'. Тикым' ҥобкана Ҧэрм' ё' няна иленаҥэ тидхалемба ваде'ҥадась. Ма'нисяв, сяхари тарем' хибярива' еремзь пиртада, ҥахакуд ҥобкана нерня тидхалембабана' тара. Харе' вадидо' нерня минревандо' няю' серодо' сава нивы ҥа. Хусувэй по' харе' вадамдо' школахана тохоламбада' ҥацеки' тянюворҥа'. Тикы хавна яханандо' ненэця' ҥарка хардан' хэб'нандо' няд'ма

пенсия' есямдо' салдамба ҥэвадамбидо'.

Тарця серо' ненадо' тасалковахана ваде'ҥаць. Ҧэрм' тер' ила, невхы ям' лэтрава тодо' яхана илебана' ҥод' мал' нерня минрейдо'. Таҥга нерня ядвана' е'эмня сидна' нядабада' падарт' пидтивы закон' тараҥгу'. Тикахана ҥамгэхэрт ҥэрм' мерця сидта ни пулаб'таҥгу'.



Халява' ҥокамдана, нув' сармикана' толаҥгудо'

Тандаярка Салыҥгардахана ҥоб' РАН член-корреспондент Владимир Богданов ма'нив, округханана' халява' ҥокамдана. Пайха', палкур', идорця' лахавадабавандо' пуд иде пандэйдо'.

«Росрыболовство» ня' тикы вадидо' помнандо' тодо' явна хан'ҥа'. Тюку нидо' ма'ним', яханана' халява' пудана' по' саць тянюмя. «Халям' ҥокамдава' няю' саць ҥока еся тараҥгу. Тарця яҥгова' е'эмня округханана'

ҥахакуд нернямна ибедорҥаць, ҥадьбятосянда', лэтрамбада' иде ҥадимдець», – тарем' учёной Богданов тасламбидо'. Теда' халэна' ҥокамдо' яха' икня вадабидо'. Ма'ним', халя' ханзо иде нюрaku'ҥа', тарцяхана яха' ид нули' ҥарка няд'ма.

Тованда си'ив яляхана нув' сармик' илам' тохоламбада' учёной' яхана' Томск' няд тованзь тасламбидо'. Пыдо' ябто хурка ҥэвам' манэ'сарта'. Ненэйвана Ҧэдя' выҥгана нарматы', сяко' пидя едтеван' харва'. Тикы'

нув' сармикана' саць сяндаҥэ таславы', ҥадьбятос' Россияна' «Няръяна книга»хана пады'.

Сававна ваде'мы' нув' сармикато' илам' тохола'махадандо', пидито' ҥэбць' ё' падаркана ненадумдаҥгудо'. Учёной' Мессо яха' лаҥгм' ҥани' манэ'манзь пэрҥадо'.

Я' сяр' ниня тарця' нув' сармик' сяхари' яҥгованзь тасламбидо'. Ҧокдадо' 20-35 ёнар' пирҥэ тасламбидо'. Ҧокаюм' пелядо' маня' яханана' Россияханана' иле'.

Пяку'' ян' тэворңась

Хусувэй по'' округна'' нэва- хана мэна ервава'' Дмитрий Артюхов ты' пэрти нэсын' нэ- далёрцеты. Тюку по' ёльцянда то''махад мале серцял''маваць, ханя' нэдалавамда пон' нэте- ваць.

Таславы яляхананда вадам- да хэтадась. Ма''нисяв, мале сян ялям' мюсерта ненэцие'' поңгана мэтав. Тюку по' Агичев нэсы' няю' пяңгув. Пыдо' Пу- ровской район нямна мюсерңа''. Небядо' – Лилия Кантлевна, нэхана сэре''мысь. Нэвнанда вэсакода халядавысь, ханевысь, теда' пухуцяда вэсаконда илам' тамна' тыха' минреда. Харад' иланд нэни' тэвормысь. Садик- хана нэцеке'' табедамбавысь. Харта самляңг нюмда вадавы. Теда' юкад вата нэхар'' нюндя ню'' хэвхананда вадёдана''. Тандаярка' мале нюндя ню ню соявысь. Не нэцеке'' нэвы. Сидя нюндя нюху' – илебей ненэцяңг тохолковамди' мале''мяхаданди' я' тебтм' нэкалпади няна' ман- зараванзь пэр''нэди'.

Округна'' нудандана мале сян яля' таняна мэ''махаданда товысь. Выңгана нэармы ненэцие'' Совет' тер'' лаханакон нэ''мысь. Тарця

юнм' тене тодо'' яхат ты' пэртя'' товыць. Пяку'' я' няна мюсерта'' ненэця'' ервандо' ня' нэамгэ та- няна тоенана'' серодо' тасламба- выць. Яханандо' хардато' помна нэдалёрмам', лекар'' манзаям' тидхалева' нямна лаханавыць. Нэармы ненэця'' – илева нев- хы иринато' ила' саирм' нэ- давы'' пыхыдадо' хабцяңгуд сибдавандо' няю' санаторийха'' нэдалёрмам' хэтвыць. Тикы хавна мюсерта ненэцие'' ню'' интернатхана илена'' имбыдад' тэмдабава' нямна лаханавыць. Таднерня' школахана тохолкода'' мюсерта'' мяд' тер'' ню'' луца' па- нэд'' сертификатм' нэд''мяць харто тэмдаба пирта''. Нэни' нэоб'' хэтвэдо' ты' пардон'' ням-



Сидяңг'' : max.ru/artukhov_da_nad_xanavy''



на нэ. Ты' пэртя'' ватовна лабтэй' мюня' пардон'' нэокамдаңгудо', тарана пибар- пада едэй нэавэ'' мюндя мэңгу''. Мер' подаңгана пад е''эйңэ ниня ябтаңгана лабтэй' мю' пардон' пэр- тыдо'.

Тедари тидпой нэданда намдвына'' тарця''. Вадамбой ханзер'' нэдалёро''мамда нэнда вадэ''тава''. Нэпопирим' теневава нэнанда тикы нита'' поңгана нэули'' сава нэвысь. Маня' нэнда тэвраңгуна''. Ма''нисяв, Аги- чев мяд' тер'' мядоманзь Са- лехардан' нэтейн'.

Марина Ярой' падвы



Манзаидо' нэдимдеңгу''

Сайнормахана мэвы'' ненэця'' не- надо пирдырмахана теневабцудо' нэдимде пирта''. Маңгты'' иры' еркад нэняңг'' иры' юкад вата сам- лянзимдей яля' ёльцянд' яханана'' смянхат ва''лэйдо' тэраңгу''.

Ямалханана'' нито' нерня' ере- мы'' есядамдо' ня''маңгу''. Нер- де сайнормахад товандо' пуд ханзер'', ханяна манзаядамдо' пурмамдо' тензибтеңгу''. Тикы пуд теневабцудо' падаркана нэ- димдеңгудо'. Тад пуна нэпой манзарава' ялямдо' харакута сер' вадетадо'.

Нэарм' яханана'' нерня' ха''ам- выдо' помнандо' 150, 100, 70 ёнарм' тярта''. Пыдо' хор'' ирыхына тамна' тыха' пирдырманзь ханда''. Нэни' ё'' тер' няць пирдырта''. Таняна Россия' тиңгэвна «Лучший по профессии» нэобетам' тэрабаңгу''. Нэока нэхатата пэдавадо' нэпой миллионм' недвота.

Тикы конкурсхана манзарана'' ненэцяли'' мэсь пиртадо'. Хибяхав пирдырць харвабцонда таняб'', падрода маңгты'' иры' 7 яля' пират «Работа в России» портал' сер' нэдабта пирьяда.

Тарана юн

Ямална'' нэардавна ту нэано- хо''на нэдалёрта'' яна'' тер'' е''эмня яңга юне нэсь' ям' нэ- димдець. «Макс» нэобета мут- рахана манэць пирњава''.

Тикы юне хомбава' я «Речной транспорт ЯНАО» нэобе''нэ. Таняд нэока нэамгэм' тола, хонра сава:

- ту нэано'' сыха', ханяд, ханя' нэдалавам',
- ханяна нултаңгавамдо',
- нум' хурка нэвахад.

Салехард' няби Лабит- нанги' помна ненэцие вэ- рамбада'' нэрка ту нэано'' нямна нэобтики яңга «чат- бот» тэня. «Переправа ЛБТ- СХД» нэобетахад нэни' та- рана'' юне тола пирњава''. Сата мерцяхана, синёхона ту нэано'' нисеты'' нэдалёр''. Тикы' нямна нэда вадам' минхандо' падсетыдо'. Та- рем' нэпой яха' вархад няби ня' хэван' харвана'' нэахакуд ту нэано'' ханзер'' манзаравам' манэтадо'.

«Няръяна Ѓэрм», недарма

1931 **НАРЪЯНА ЃЭРМ**

1949 **НЯРЪЯНА НГЭРМ**
КРАСНЫЙ СЕВЕР

1972 **НЯРЪЯНА НГЭРМ**

1987 **НЯРЪЯНА ЃЭРМ**

1991 **НЯРЪЯНА ЃЭРМ**

1997 **НЯРЪЯНА ЃЭРМ**

2012 **НЯРЪЯНА ЃЭРМ**

2020 **НЯРЪЯНА ЃЭРМ**

«ЭРАЦЬ ПЭЯД»

Саля-яв' салаба хэ'мяхад пон' нись мы', июнь иры' юкад вата хасаваюдимдей яляхана ёртя" ёраць пэядаць. Округхы халям' сянда инспекция' жарка ерв тарця ватом' тась. Ибэй и'мня халям' хадаба тюку таугана серо"жа.

Приуральской районхана Белоярск', Пирця хардахана илена" ненэця" ёлова яхато" жаха"на тэвыдаць. Нюртей яляха"нато' таминандо манзара пэядаць. Горной Саматнёлхана ёртя Валерий Падранхасов тарем' мась:

- Еловаха" яноць тэвынаць. Нюртей яляха"на хадавэва" халява' тянё. Сумбауґ юояк' ериберґа. Тюку тауы ёрмахана ехэна' ватаба ни' серос'. Тикы халям' няръяна падарт' пададонзь.

Хуркавна һод', Саля яв' тедари һани халянда тэнз" тая". Ненэця" манзарауґу", илеуґу".

В. СЭР' ПДВЫ

«Неңэцие" ил' Тарем' иле»

Ты ниць иры пудана яляхана телевиденияхана манзара нята няни' ня' Ямальской районхы Се-Яха хардан' тиртя һано' хана' тэворһанинзь. Мань нюми' Пётр Худи. Хурка нара һэбта һод', нумда ян' сава нись һа'. Нюртей тувы тиртя сармик", ябто", хохорэй" етри нимнана" тирһаць. Выһна сыра ёр яһэсь ни пэр'. Варё" һахана тована нерня һадимыць. Ты" һэсыха"на яхадей" һокаюм' пелядо нимыць. Едэй вадёвы суляко" ханюй я' нимна тояна сарноруаць. Ѓобтарем' таяна нарэй ялз" това сер', ил' етре' манзада.

Тэхэна" мюсерта" сырэй ейдо' сёрецяуэ хураба пийдо'. Тикы манзаядо', иландо' сусавида ни һа". "Ямальской" совхоз һысыха"на юраб вадидо ненэцие" тарця":

- Есяхат" ехарава". Тарана һамгирико, һаврако' падаркана хумбина". Харто'

иленина" ханяһэһэна тыто' һамзи", нямд", мор" лабкан' мипи". Пудана похона едэй организация һадиберць пэяд". Сё-Яха няна сидя тарця предприятия' СОХ "Ямал", няби "Нессэй" манзара пэяханзь. Лимбья ирыхана "Ямалагроинвест" ня' Тарко-Саляхана факториям "нэһаханзь". Теда тиртя һанохана тикан һамдормани сер' манзарана луци" лаханако ня"һадамзь. Тарем' маць:

- Няне ябцыбива". Ненэця" турһа". Ѓаврадамдо' ханла".



Ябцывы нянедо" манэсарнась. Ѓавыго' сава. Ѓопой няньсауґомда килограмм пир. Мирта мат' еся.

Тикы харад, Бованенковохад тет һэдалава' хунканаһа. Нейто хэвхана һани факториям' һабтавыць. Таяна сензелава мята тая, лабкасавай, һавар" тинсавай. "Нессэй" нубета организация' ервм ядаб-

тадамзь. Нюмда Вячеслав Грачев. Пыда тарем' мась: - Лы нямд" мор" небой мирманандо тэмдабауґуна". Тазовской район' нямна һобтарем' тиртава". Мор" ма"ламбауґува".

Ти тарем' Ямал' няна ненэця" иле". Таянд һэдалавана сер' нум' тамна во-мась. Тиртя сармик" пуны салыдаць.

П. ХУДИ' ПДВЫ



Тюку Михаил Окоэтто тадтавы сидяһахана ма-ниенара" махан я һэ ю м' Нина Николаевна Ядне. Тандая мале сян' ненэця-ма" Канадан' ханһаць. Таяна я' сяр нина һэрм тер ненэцие" ила тид ми-

мам' тасламбиць. Нина Николаевна саць манзарась. Индеец" ханзер" илевам' хонрамбись. Таяна илена ненэця" сидна" тоолха" һэдараха?"

Н. ФЕДОРОВ' ПДВЫ

«СУЮ" ХАНЬТА»

Тюку пона" нарам' һармы ненэця" сыв' ямб тецьда нараһэ ваде"ладонзь. Ненэсянда тарця һэвы. Яхадей" нисермамдо' нидо' тяхабтамбю", нидо' тальябтембю". Ѓопой нюкцидо', сыра нина хомбидонзь. Теда һод' тамна тиди. Сую" ханһта".

Ѓопой Пуровской районхана һэда "Верхне-Пуровской" совхоз' ты' пэртя" тауґа". Ядо' пэдара. Таяна сыра мер' холкась. Ѓока хавы, ёховы суюдо' ты" поуґана яуґу.

Х. ЃЭДАЛЁРТА' ПДВЫ

«ТЫ" МОРА" ВАДЫ»

Приуральской районхана тыто' мора" һарма". Лабаравы харад хэвхана һэда еся вакан ненэця" матора пэяд". Нюртей сидя ядембада яляхана "Байдарацкой" совхоз' юкад вата няхаромдэй һэсында тер" матораць. Ѓэсыхана сидя Тайбери тикы яляха"на саць тэтанаһаханзь. Сидя юр' килограмм' пир мор' пад" мю сабуһаханзь.

Тад пуна, пудандо' хэвханандо' һэда тетимдей, һэсы тер" матораванзь хамекулыдаць. Ѓэсым' пертяндо' Алексей Тальзин' ервахатато яуґа плаһада тая. Пыда һэсында тэхэт" һани' сидя юр' килограмм морам' мадавандзь' пэрһа. Сямян нита пуд сидтетимдей һэсы ты" мор" маторпануґу".

Тюку похона тиртя һано" миретя" һамгэ". Хусувэй есясавай ерв тэри тарем' есьда нида садпю. "Байдарацкой" совхоз' манзарана" тыто'

мор' машинахана ма"ламабидо". Сертабада еся сехэры, Ямал няюв' миндя, жарка таром' ха"аврамби. Тикы хамэдэда сехэрэвна тыто" мяк" мер' тэворһа". Тауы ялз" ельцяуґана еся сехэры хэван һэсы" тэваб, ты" мордо' мадабава ямбүэ ханһа". Еся вато' һод' сехэры' ядхана һа. Пирця хоё нид' жаха' һадя пэрһа.

"Байдарацкой" совхоз' конторада Белоярскм' нубета хардахана һа. Тюку' по' тикахана ты" морахад һамгэм сертабада заводм' сертаць. Теда нюртей мэва' манзара пэяць. Ненэцие" хабцяуо савумдабада пардон" сертаби". Тикы е"эмня жарка хардахат" теневаһа ненэцие" тэвраць. Ѓопой по' ямбан' едэйвана манзаям' ня"амвы, хардахана илена ненэцие" тохоламбауґу". Тохом"махадандо' пуна харто' манзара' пиртадо'.

В. КАНАРСКИЙ' ПДВЫ

«ТУ ЃАНО" МАНЗАРА»

Лабитнанг хардахана ту һано' нулауґалвахана хуркари машин", ненэця" һока". Неноховавна пул' малхана һано" сембьяддрев' хатэкарһа". Ханяһыдо' мале пэндъяхана тердевы". Ѓанидо илрабцие" һылна ну".

Ѓабцата ту һанохана" манзарана ненэця" манзаямдо' теда мэта ирына" нердена яляхана" пядонзь. Ѓахакуд Саля яв'

варм' салабахат" хабтумдадонзь. Нердена ту һано Приуральской районхы Аксарка' хардан' жарка пэндъям' ханась. Мале сян' яля' хэмяхад таян' һани һанэрта ненэця" ядэлыдаць. Теда хуркари һамгари" тэвабавахана "Севергазавтотранс", "Надымгазснабкомплект", "Ямалстройгаздобыча" предприятия" тер минхалы".

1998 похона падвы

Мяд' тер" ил' мэсы"

Харе" тыда пэрта Николай Тайборей' жарка яхана мюсерца. Нисяда Тимофей Васильевич мэвна илена ненэц' нэвысь. Небяда Парасковья Фёдоровна яникэця, мел"мана сэдорана некоцясь. Нюди' нюдя нэдахандо' хусувэй серт' тохоламбавэхэ', жаркадо' нюдяко" нидо' маниесеты", нядабасеты".

Николай хумбанзи" лаханана ненэц' нивысь' ца". Жарка я' хойхана соявы, жарманда сер' «Ямб' то» общинахана нисянда, неянда хэвхана манзаравысь. Пухуцядамда Я' мал' няд Приуральской районхад тэвравысь.

Клавдиями хаюпа хэванда нерня таяна илесь. Мята тер" Пэ" хоё" няна" тэхэ"нато' мюсерцац'. Нямбара, иланд' маймбада пирибтяко сейхани ха"мыць. Пуна нобкана нисяни, неяни мят' хаянинз', таяна тюнтаваць.

Тарем' Клавдия Пуптовна Жарка я' хоё" няю', «Ямб' то» общинан' тэвыць. Ѓули" нерде' Николай Клавдиянданя' нисяюнда, неяюнда мякана илеңаханз'. Парасковья Фёдоровна, Тимофей Васильевич нюнди' нем' савуцетыди'. Ѓопой мядм' мэць сававна илечь, нидо' нядабасеты". Николай харта тыда нэдимяць, янамбовна нобкамданаць, харе" мятамди' мярңаханз'. Нюди' сояць нерняны иламди' харти' тасламбидинз'.

Пудана" похо"на" «Ямб' то» общинахана манзарана" тыто' толыр" нобма", нядэй" ядо' тянёларэйд". Тарця сер" нэдимз', ты пэрта" мяд' терсавэй" невхы" мюсерць ёдо' хаеба пяйдо'. Та' мальңгана Николая Тайборей Нюдя я' няю' мюсе идевыць.

– Теда' няхар" по" ямбан' Нюдя я' хойхана тына" пэрңава", ненэцие торомдэйна". Ѓули" нерде' тюкон' тэв"бана" тое-



Сидянт": Юлия Талева' гадтавы"

наркась. Тедахав' торумава", ихинана" сава, – мядм' пэрта некоця тарем' лахана. – Тюку явна мюсерцава", мяд' терсавэй" мал' товаць. Нянани' вэсакони тидя Николай Митрофанович Вылка манзара, самляңг нюми'. Няхарто' маркана школахана тоходана", интернатхана иле". Жаркаюм' нюхуюни' хэвханани' манзараңаха'. Савов тюкохона, яда паской, та' яв' вархана мэсетыва".

Сие ниць' ирийхана Нельмин' Салыхана Тайборей' мяд' тер' ядабтэйнась. Пыдо' «Варңэ яля"м' мэ"манз' товыць. Тикы яляхана нэсыхы"на тэхэ"на мэна" ненэця" нэдалёрцеты", пирдырцеты". Николай Тимофеевич, Клавдия Пуптовна Тайборей' мяти' тер' няць ныхыди' хорманз' идевэхэнз'.

Харто' тыдо' пэрта" нина" нэсыхына иленахат нэдя яңгаць. Сомбой" сывы", мюсерць мэта" ембдяродо' мэць Салян' товыць. Хасава" париденя" таңгасавэй" мальцидо', паской" те"эмсавэй" пибидо' сервыць. Некоця" тандая' сэдвы", мадавэхэ"на падтавы" сэр" панытаць. Тарцям' мание сейхана лимбякась, маймбаб-цось. Хой' тер' не – мел" нэвада ти!

Юкад вата самляңг по" ямбан' Тайборей' мято' тер" вады", мэёвна нэто' нина ну", манзара", иланд' мэёвна сырңа", нерня' миңа". Николай Тимофеевич мась:

– Маня" таңгава", нэцекыни' вады", сава нядаңгодини'. Няндодо' мале енава' пир". Малңэ сензва" – тикы сямянхат тарана сер". Харвабцо таянб"нанда

хусувэй нэмгэм', сертава' пир". Хойхана иленаңэ сяхари' хасенавам' ехэрасетыва", пили" манзабтэсетыва". Ханяңэхэна хардан' тэворцетыва", хэбидя яляхана мэсетыва", хуркари" ма"лэваха" турцетыва". Теда' Салян' това", пирдырманз' ятнава", сёхо" инзелева", тикахад нэврадава", нэни" таранадава" тэмдаңгува", юне намдаңгува", ненэцие лаханакурць нятава", пуна мякана" нэдалаңгуна".

Клавдия Тайборей' тарем' лаханась:

– Мань нянани' мяни тер" ныхыдами тамбадарха". Тоенана серкана илма" нобкана хар"на" тасламбива".

Яля' пэвсюмбы' няна Тайборей' мяд' тер" манзаито' пуд сэйманз' ма"лэсетыд". Толь' тяхана нэвормандо' сер' ваеравы ялямдо' тензибтесеты", манэ"мыдо', сертавыдо' вадецеты", хуняңы ялямдо' тасламбасеты". Ти, тарця иландо' мэсы" таян!

Юлия Талева'
падвы





Дилта дямпан мансламы



Таттама: Андрей Пяк таттамы

Понанта Пюд дяханана колхозу", совхозу" дилымы чуув паделъш нука неша" манслаштуш". Нидинана, катанана писамэй калиташтуш, ты" паделъштуш. Маня" њадка нешай" куше дилимам вачаштонџама", чикехана њадтана њашкээ нидинатуң, катанатуң шиниңкуй дилм чедимянџатуң.

Четаң шеэвдю" – шитчетдю" пу" чена мансламы" нешаңкат кадюта шанли њадка неша". Ѓоптуң Любовь Энювна Айваседо. Пыыта хайнолма пу" дельшкай дямянымы, чуки похона души дегы пуң недьшуна шитчетдю" пота кайны. Четаң пуша Калпюджана диле. Нюча њаймахайта ведклата Пяк. Мятачел" выңкна Калпюд няна дилымы. Дегыдетуң «Дегу» нимита дякуң няавхана њеймай. Чики дякохона калиташтомай. Таньдельшкана Калпюджана колхозы им. Сталина тадяџаймай,

таньняна неша" манслаштомай".

Любовь Энювна тамна нючаңэ манслаш чепьмай, нета" нятапешь нука њайватам шелташтомай. Шаңкмян выңкай дилант талана њамымы шелтамам чедимямай. Таньдельшкай шелу" вивхальш Любовь Энювна маньшту: «Калитана" неша" дельше нука калиташтуш». Дельдышкай кататоң, хаңумантуң тайхана чики минхантуң мим чештунаш". Тай"ня чикехет пращинхат шелтамычананы хьлуташтунаш". Калди нямадпета ту џану калват тышинякуна нуштуш". Ту џануң дельшат пай џанохана" калитоң тайвапештомытуң. Тай"ня пуняң мяктуң вентат ниң мимпантоң, ватнаштомай". Таньше дяди" тахана манслаштомай". Кыди-пё каймахата Любовь Энювна

кэвханта мэмынта нятапешь калита манслаштомай. Нупчики нука калди каташтомай". Таңичохона кэвхананта мэмыдэмы дельдыш няыаммайта калита" дяхаң малэны њятпештомыта. Тай"ня чикехет, душита косы-дямаң недья нэхэштомыта. Пон няңаньч совхозы тасламы калди планымы вэконта няң чемнанта коштомэчы. Калитаманта камна хылаң кэвханта мэмы-дём каньдянаңэ совхозхана манслаштомай. Таньдельчкана халаку" – таляха", нохо", чоня" нука њаймай. Вэконта катамы" халаку" чики минханта кыдахадя касташтомыта.

Хомана мансламанта дегыэмня Любовь Айваседо пон совхозхана хомата паталт камаштомай. Мьякна џайта", выңкай дилант

талана" њайвачета" нупчики хомана шелташтомыта. Пуша хайтудалта дельше медь њаймай, кулкади" медьмана пытыдымы", матамэй пеми", паныдю" хайташтомай. Четаң пыыта Калпюджана диле, дегэханата каса нюдум калиташту. Любовь Энювна вэконта няңиң нич" хомана ватапичаныш, талымы четаң тотуң чильниймана диле", манслаџа". Пуша дельше шоньшата хомата, чильний ни.

Четаң мякнанта нюбувдехета" майпешту", нита немянтуң, катамтуң дельше хомана падилятуң. Каймы дидихина Любовь Энювнаң мят нешай дет џайта организацихит" мэна" тоңаш". Катантуң мячисэт мийџаш", кулкади" шейхана лимпята" вачи" няңта мэыџаш".

Лэтдэ, тоса" тала

Дяля димпума, нума" таңичума, дя' касџа. Таңичохона шаңкмян неша" џану" мэлашту". Калитана" пон викня манслашту". Дельдыш, дяхам дёмпеш, поңкам њыгыпеш, ваттапеш, калитуң тайвапеш – пон џанум мэшту". Вентсамы дяха выңгита нука.

Тадям џанохана миньш тоса" тала. Нешиң џанон џамтманта недья хомана лэтданай. Шай-димна џанум мэш чедимяп' џотнаң, ви"имня џанохана минта пон тосаны. Ѓанон џамтуташ спасательный' жилет' шелдаџа. Ѓанохананта џамчута" чупей талыша паныдю" мэматуң хомата.

Четаң округханана нешаң мичилпечитуң џамыку" поңкна талыш мичилпи". Ѓанон џам-

туташ, џанохот камуташ џануң вак' дятан нулаш вайма, нешаң шетан џану ними кэвханата ваптумты. Кунядиң џанохана кэйна, маторанта хомана мансламам, бензинта тадя њаймам недьшут маньтаџата. Каймянта недья нета" конданџа, куняна мэвштамта вачаты, телефоната пэн-

ты. Чикиң камна дяди дячамахат куки неша", њашки" пачельш чепяшту". Пачилман хата таньдет тасламы, пачельш мэта дяханата пачилды.

Талдахана пачилмаң дет тондюта Прибрежный няна џайта пляж'. Вентсамы", кампулкат вылтавамты" дяха", токуша"



Таттама: Андрей Пяк таттамы

таньдет ни" тасдю". Талышахана пачельш вайма. Нюча њашкиуди" калытуң вит няна ни'мэн. Ѓашки" няш вит кэвхана мэна нешиң пон тосаны. Чикиң камна выңкна мэш тум чудеп, татохат дяң калкумаң тайхана, нешиң тумта пон кэвхатта маньденџата. Дячапетахана хьлуй дя' мед калкомшту. Петадахана тавсмы ту каптанана ниџа. Шиниңкуна њадка неша" манаџа": «Таңичохона выңи" нука. Пон лэтдэ, тоса тала. Ви", ту няңаньч тэвџылитач поляхаң».

Тадям четаң нешай" дет џайта управленихина мансланна" таньдет џайта служби" няш патлу" памятки" шелташту". Чикитоң чуувна дидина", џану" мэта" нешаңк, тондамантуң мэт миштутуң.

Хэбидя лаханаку

Я' мидхана Ича џапчена яв' вархана џоб" џарка мя" таниявы. Тикы мякана вэсакохо' пухучаха' илевэхэ'. Хасава нюди' таниявы. Мале несавэй џэвы. Сидя нехэюда таниявэхэ'. Џопой мякана самбляџкџэ илевы". Тыду' юџгувы". Вэнекоду' џани' џока џэвы, сидя юд' мян'. Ханъявнчъ хэпту' вэноду' подертетавы".

Џобџгуна вэсакохо' хасава нюди' самбляџк вэнеком' подерка-кая някуманчъ хая. Наџэдя яля' ямбан' сыџгрэда юџгу. Пэвсюмя' няна то, сидя някм' хадавы.

Мят' чу, ваван' џамды", џорџа. Манма:

– Чуку яляна ханъясэйми сидямбой няк. Тамна џоб някм' хадаван харвадамчъ. Мале џынхана ядаџгувась, лакри' ехэрана ненэчъ џадимя. Панэда џули сэр", едэй хамвы сыра' толха. Сэвхаюда ябереџаха'. Тикы ненэчал няни сырчъ ма: «Някм' хадаба џэвадалад"! Сававна инчеле"! Чуку яхад мяканти хантан. Хуняна сидя яндом' нув' ханџэ хадаџгун. Сидя яндомт сямбат, саво илндамт нин хонџу". Ханџэ хадамахадант сидя яля џэсоџгана нув' няд еся иня хамџу". Тикы инявна нумт' танаид". Нув' нися сит хаџа».

Тикы вадида мэсомаданта ехэрана ненэчал тари тымсы".

Нисяда вэсаку манма:

– Тикар нув' хэхэ џэвакы. Пыдар нув' саво сэван' маси" хамџговакэн. Тарча вадита танияб", хуняна сидя яндом' ханџэ хадаини'. Ича џапчена яв' вархана сив таб надо тания. Танияна ханоками'. Сидя яндом' сянчъ вэва џэдакы.

Хуняна юркыд", џорџа". Тад тикад ханм' хадаџаха'. Ёльчемадант' мяканти' хаяха'.

Сидя яля' џэсоџгана вэсакохо' хасава нюди' ма:

– Чуку пи' сэр" паным' мэта хэхэм' юдедамчъ. Тарем маџасъ: «Нум сит хаџа. Хуняна нув' няд еся иня хамџу". Тикы инявна нумт' танаин. Нехэюд џод" тарем' танаихимт"».

Вэсакохо' пухучаха' маџаха':

– Нумт' танабат, мани' ханзер" хаюдани', ханзер" илеџгуни'? Сидя нер тания. Няби немот хаебат саво нисяв џэџгу". Сидни'

нядабаданџэ хаюдась.


Вэсакохо' хасава ню нехэюта ня манма:

– Тедав' сэр" паныди' серыди"! Сямэй пибиди', пимди' хайди'!

Џаркаюм' недя ма:

– Манъявван нидм' хант". Едэй панэми юџгу, едэй пибини юџгу". Сямэй панэхана нумт' танабнани, танияна хамандам'?

Тад нянэсяри џод" нув' няд иняда хамы". Вэсакохо' хасава ню нюдяюм' ненча ня инявна чу пяди'. Еся иня ерта пирувна



Падџа"ма": Руфина Окотэџто' падџавы"

танэйха', еся иняди' ледрели". Вэсакохо' хасава ню чёрей":

– Неџэй, сямэй паныд хаесяд? Нисядам ман", сямэй панэхана нумт' нини' тэвџгу"!

Недя чёревонта:

– Сямэй пибини нинась хае"! Тад не џудита нёрчуна еся иня ныклы. Не таси мантырчъ хая, Ича Џапчена яв' ит' сэя, сян ни џадив".

Вэсакохо' хасава ню нумт' тэвы". Тад сэр" паным' мэта нув хэхэ ма"нив:

– Нув' нися' мят' џопкана хантани'. Хаяха'. Сянри хунари ядбати' џод" нув' нися' мят' тэвъяха'. Вэсакохо' хасава ню мят' чу. Мяд' мюня нув' нися џамчувы. Нув' нися' сят' сырџета юџгу. Џарханта туџэ лэюмби. Хэвхананта сив хэхэ џамчувы. Малџэ ту' лэюраха".

Нув' нися манчъ ханада:

– Сеня' сидя яндом' хаданась. Мал' таромана сертаван. Сидя



нехэюд хачанаха' ту". Сямэй панэхана минхант' параџгухунчъ. Тедав' сит илебям' пэрчаџэ сертаван харвадм'. Едэй недамт татадм'. Теда' пуны хань"!

– Вэсакохо' хасава ню пин' тарпы", сырџа. Мяд' хэвхана еся џано таниявы. Еся џано' мюня сеней сэр" паным' мэта хэхэ џамчувы. Едэй недя џани' тикана мэвы. Хасавар еся џано' мю' тий", таси пяда. Сянри хунари мимбата џод" ян' тэвы".

Едэй мэвы ненча ня мяканта хая. Тэвмахаданта манэџада: мята хэвхана ёнар" мян' ты џадимы. Тикыд нув' џэдапавы мядинсей. Вэсакохо' хасава ню та ёльчаџгад илебям' пэрчаџэ хая.

Та валакада.

«Ненецкий фольклор»
толаџгобць' мюд ханавы,
К.И. Лабанаускас' падвы

Хад нумгана

Џули" сата хад ладыбида, пин' тарпава серта яџгу, вэџгалана џуда ни џадио". Лапо вэнекоџа не' пан' џыламна мят' сыџторџа. Не'ны' хэвхана пардолы". Тарем' пардортаханда тянарта" сыракоцида Хыли сят' тебвыд". Хылир ненэюмя, вэнекомда ладада. Лапо сянхана тёрей". Хыли вэнекон' тамна пёдорџа:

– Џамгэ мят' ми"яџа, пихина хан' лехэна ваяява! Мякана хар-

та нянда табтомби, маня" малџэ мякана мэванё".

Нисяда мунзипой" инзеле, џамгэ' пиркана нюхунда ма"нив:

– Џамгэ' е"эмня вэнекомд ладар! Пыда џод" пихина ханимзъ мят' нив тую". Џамгэ' то"олха хад нэрха. Сава ненэчъ' вэнекомда тарџа нумгана пин' нидя питарт". Тикар тарана няр џы"нив, тынзъ сидна" нядапесетыню".

Вэнекуна" яџговы џэб", тына" вэва нумгана џаха"на ханяна хантаць.

Лапо вэнекоџа сея' няна џули" секадэси" ваны. Нисянда вади намдаванда пуд Хыли мунзипой" тэри нярмэй". Вэнекомданякунда хаџада, тарета нямзъле, џавлада, ма"нив:

– Тад нерня' сяхаџгарт' сит нидм' ладыбаџгу". Нисяни вадавна нив" џа", пыдар яџговы џэбат", теда' тына" ханзер" пэртасана"? Сыра'

– хадхана, та' – ядембада нуво" ёльџаџгана џота џод" пыдар тына" џобт' нидав ма"ласету". Џули" тарана, сава нями, вэнекоџами.

Тикы' пуд Хыля вэнекохонанда вэва џэ"мяда яџгу. Џарка ненэџа" хурина манзеты":

– Вэнеко" сиддо" тале маниенадо' тания, вэнм' ладорпаб"нанд, вэва сэван' еремдан".

Раиса Яптунэ' падвы

Мято' тер'' хэвхана нылана''

Цэрм' тер'' цэцкы'' тохолкова помдо' мада''махадандо' хой' няңы мякнато' нылана''. Пыдо' царка нидо' нядаба хуркари'' тарана серк' пыхыдадо' тохоламбидо'.

Тев' ёльцяңгана выңгана манзая сяхаринда цока. Сава нумңгана ханодо' тырабтамби'', сырэй ейдо' сэдорпи''. Хой' илаңгана хуркари'' сянакубц'' тания''. Пихиня': мыльйкова, лынзекова, ярколава, пэськом' мэ''ма''. Мякана хасена мэта снакубц'': ва''авкова, цухокова, тыра' нийко, яра' пэхэна сянакова, сянерма. Тикы' хавна хуркари едэй цадимы'' сянакубц'' хорпи''. Хой' тер'' ненэцие' ню'' ханзер'' та' ялэдо' мадабавамдо' намдаван' харваваць. Тикы' е''эмня мале сян тохолкода цэцкым', нюсавэй нем лаханакко ня''цаваць.

Няна'' няхаромдэй классм' малевы – Савва Худи лаханась. Мята Пев' то няна цэдараха. Ханяңэ-хэна Савва, сава нумңгана нисямда нядаба малкованзь ханца. Сянако нянда' мят' мядоманзь ядэрца. Танияна сита цар'' нита' ня ярколасеты'', пирдырцеты''. Неноховна теда' экзамен' пэрта некамда хардахад цэте. Тамбей хэвхад лаханавы Сусой Родион нида'' пям' пэрць, нераць нядабида. Теда' мякананда хардахад сава няда мядоңа. Нянда' ня ябто' пиди' пюр''цаха''. Малкодандо' тоб'' цавкыди няньхана, евэйхана цавламбихи''. Хаер'' яляхана нянюдо' тырыбтамбавы'', цэцекэхэ' цавкахат няню лэтамбавэхэ''. Хой' няна мэва Родион' ихина тэри сава.

Афанасий Вануйто сидндитемдей классм' малевы, мято' Надо' яха' малхана ца. Пыда цобтарем' тэри мэсь ехэра. Хубтахана' мят ты'' тэврамба малкодамдо' нядаби. Ёркола''махадандо', таславы'' серо''манато' хэсеты''. Ты'' хэб'', цысында' тер'' няць малта ядэр''ца. Царка хасава'' нита тотрев' тэхэна-та цобтарем' харта есеты. Вадавананда, нара' няна пэрманда цамгэ цока.

Выңгана мэна'' цэцкы'' небя'' цани' лаханакко няйнаць. Ханзер'' нюдэ'' ялэдо' мадабавамдо' намдаваць. Цавнандо' пыдо' хой' няна мэб''нандо' таңы' ялэдо' ханзер'' мэ''макыдо'? Ямал'' няңы Яхады'



Хасава'' цэцкы'' царка няханато' ханеванзь, ёрманзь ядэрца''. Ты'' няна едця'' пэва' нерня сую'' цадиберца'', цоб'' мание тара''. Серодо' мале''махадандо' сянаковандо' нямна ни цурхалаңг''.



яхад Вера Хоротэтто лаханась. Тарем' мась:

– Нюхуюни цоб'' нядаңгоңаха. Не нюми мяд' мюня' хусувэй манзаям' пирца. Сава цэвкоми, цодяку паңгалпавам' харвобта. Хасава нюми нюдя' нянда сянакултамбасеты, ярколасетыхы'. Неноховавна хасава цэцкы' нисянда нядаңгода, ты'' няна цоб'' мэсетыхы'.

Вера Ямзивна нюдя цэвамда сяхари' тензебтембида, нюхута цоб'' ваде''цада. Ма''нив, хой' няна мэ''мада теда' сабе ни'' яңг''. Цопой теда' мяканандо' интернетдо' тания. Ханяңэхэна телевизорт' сырца'', телефонувна хардан' няхато' лахана''.



Не цэцкы'' – небянато' нядаңгода''.

Цани цоб'' нява'' Людила Окотэтто – цока ню'' небя, не нюда хэвхананда сэдорасеты. Идм', пям' хосая харто ядэрца''. Хасава'' цэцкы'' – хасава'' нито' хэвхана мэ''. Нисянахатато', некахатато' хасев' манзаяха' тоходана''. Ханяңэхэ''на хуркари'' сянакубцаха''на сянакосеты''. Невхэт мэта'' сянакубцадо': цухокова, ярколава, пэкоця нидо' цурьбю''. Цюку илаңгана хардахад телефондо' тэврамби'', хуркари едэй'' сянакубцадо' тания, мутрыто' хабтэва' цэсонд' мэйдо'.

Ти, тарем' выңгана ныланавамдо' намдава''. Невхэто' сер'' иринато' минревы им' небянахато', нисянахато' сырць тасламбидо'. Хой' няна теда' цю''у' миндя ненэця'' цамгэхэв манзая' харан' пыхыдадо' тохоламбидо'.

Алла Вануйто' падвы

Газета «Няръяна Нгэрм»	Главный редактор Яр Марина Тэтакучевна	И. о. генерального директора АНО «Ямал-Медиа» Каврук Татьяна Ивановна	№ 24 Подписано в печать 11.06.2026 г. Вышла в свет 13.06.2026 г. По графику: 16.00, фактически: 16.00.	ПОДПИСНЫЕ ИНДЕКСЫ: на год – ПА701, на полугодие – ПР562.
Учредитель – департамент внутренней политики ЯНАО (629008, ЯНАО, г. Салехард, пр-кт Молодёжи, д. 9, каб. 708).			Тираж 3600 экз. Заказ № 193 тз (тираж 3600 экз.) отпечатан в АНО «Ямал-Медиа» Юридический адрес: 629003, Ямало-Ненецкий автономный округ, г. Салехард, мкр. Богдана Кнуныяца, д. 1, каб. 106	Цена годовой подписки 166 руб. 84 коп. В розницу не распространяется.
Издатель – департамент внутренней политики ЯНАО (629008, ЯНАО, г. Салехард, пр-кт Молодёжи, д. 9, каб. 708)			Фактический адрес: 629007, Ямало-Ненецкий автономный округ, г. Салехард, ул. Чубынина, 39А	Адрес редакции: 629003, ЯНАО, г. Салехард, мкр. Богдана Кнуныяца, д. 1, каб. 106 тел. +7 (349 22) 4-53-32
Газета зарегистрирована – Управлением Федеральной службы по надзору в сфере связи, информационных технологий и массовых коммуникаций по Тюменской области, ХМАО-Югре и ЯНАО от 19 апреля 2012 года. Регистрационный ПИ № ТУ72 – 00559			Газета выходит по субботам.	E-mail: nn@yamal-media.ru